



Broj: 02-14-4-15555/17
Datum: 31-10-2017

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 69. stav (2) tačka d) i člana 70. stav (4) Zakona o javnim nabavkama („Službeni glasnik BiH”, broj 39/14) i preporuke Komisije za javnu nabavku policijske opreme za potrebe Jedinice za podršku, imenovana rješenjem, broj 02-14-4-10490, od 23.08.2017. godine, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

Poništava se postupak “Nabavke dijelova uniforme i standardizovane policijske opreme za potrebe Uprave policije MUP-a Kantona Sarajevo (LOT 2 – Standardizovana policijska oprema)”, pokrenut osnovu Odluke, broj 02-14-4-12611, od 04.10.2017. godine i obavještenja o nabavci, broj 16475-1-1-23-3-6/17, od 04.10.2017. godine.

Obrazloženje

Na osnovu Odluke, broj 02-14-4-12611, od 04.10.2017. godine i obavještenja o nabavci, broj 16475-1-1-23-3-6/17, od 04.10.2017. godine, pokrenut je postupak “Nabavke dijelova uniforme i standardizovane policijske opreme za potrebe Uprave policije MUP-a Kantona Sarajevo (LOT 1 – Dijelovi uniforme, LOT 2 – Standardizovana policijska oprema)”, putem otvorenog postupka. Procijenjena vrijednost nabavke iznosi 230.000,00 KM (Lot 1 – 125.000,00 KM, Lot 2 - 105.000,00 KM).

Prema Zapisniku sa otvaranja ponuda od 25.10.2017. godine, za aktivno učešće u postupku, za LOT 2, dostavljene su ponude od strane ponuđača: KOTEKS doo Tešanj i KM TRADE doo Visoko.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-14927, od 30.10.2017. godine, u kome je utvrdila da ponuda ponuđača KM TRADE doo Visoko, za LOT 2 ne ispunjava sve formalno-pravne zahtjeve propisane Tenderskom dokumentacijom. Naime ponuđač nije dostavio sve dokumente vezane za ispunjavanje uslova tehničko-profesionalne sposobnosti (izvještaje o kontroli kvaliteta dostavljenih uzoraka, i to za zaštitno odijelo za javni red i mir, futrolu za baterijsku lampu i držač tonfa palice). Uz ponudu nisu dostavljeni uzorci na način kako je to propisano tačkom 12. Tenderske dokumentacije (dostavljeni uzorci zaštitnog odijela za javni red i mir i futrole za baterijsku lampu nisu atestirani, nije dostavljen odgovarajući uzorak nosača tonfa palice).

U skladu sa navedenim ponuda ponuđača KM TRADE doo Visoko za LOT 2 se odbacuje u skladu sa članom 68. stav (4) tačka i) Zakona.



Ponuda ponuđača KOTEKS doo Tešanj, za LOT 2 ne ispunjava sve formalno-pravne i tehničke uslove propisane Tenderskom dokumentacijom. Naime ponuđač u ponudi nije priložio sve dokumente vezane za ispunjavanje uslova tehničko-profesionalne sposobnosti (izvještaje o kontroli kvaliteta dostavljenih uzoraka i to za: zaštitno odijelo za javni red i mir, futrolu za baterijsku lampu i držač tonfa palice). Uz ponudu nisu dostavljeni uzorci na način kako je to propisano tačkom 12. Tenderske dokumentacije (dostavljeni uzorak zaštitnog odijela za javni red i mir nije atestiran). Nisu dostavljeni uzorci futrole za baterijsku lampu, baterijska lampa, megafon i držač tonfa palice. S tim u vezi ponuda ponuđača KOTEKS doo Tešanj za LOT 2 se odbacuje u skladu sa članom 68. stav (4) tačka i) Zakona.

Primjenom odredbi člana 69. stav (2) tačka d) Zakona, riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

DOSTAVITI:

1. Komisiji
2. Ponuđačima
- ③ Odjeljenju za odnose s javnošću,
radi objave na web stranici ugov. organa
4. a/a

POLICIJSKI KOMESAR
Generalni inspektor policije

Mevludin Halilović

